



Broj: 10/E-11-5429/24
Sarajevo, ~~16-12-2024~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Opštinskog načelnika broj: 10-45-238/24 od 25.03.2024. godine, (u daljem tekstu: Komisija III), u ponovnom postupku za javnu nabavku i isporuku lož ulja za potrebe sistema grijanja u objektu „Vila Braun“, putem konkurentskog zahtjeva za dostavu ponuda uz primjenu e-aukcije (Zapisnik o pregledu i ocjeni ponuda broj: 10/E-11-5429/24 od 09.12.2024. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **“HIFA-PETROL” d.o.o. Sarajevo**, ulica Hotonj bb, 71320 Vogošća, Ponuda broj: JN-3698/24 od 02.09.2024. godine, za nabavku i isporuku lož ulja za potrebe sistema grijanja u objektu „Vila Braun“, putem konkurentskog zahtjeva za dostavu ponuda uz primjenu e-aukcije, sa cijenom nakon provedene e-aukcije u ukupnom iznosu od **18.900,00 KM bez PDV-a**, odnosno **22.113,00 KM sa PDV-om**.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke i isporuke lož ulja za potrebe sistema grijanja u objektu „Vila Braun“, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, uz primjenu e-aukcije, broj: 10/E-11-5429/24 od 26.08.2024. godine. Predmet nabavke nije podijeljen na lotove.

Obavještenje o nabavci 848-7-1-100-3-157/24 objavljeno je dana 30.8.2024. godine na Portal javnih nabavki (www.ejn.gov.ba).

Procijenjena vrijednost javne nabavke iznosi **20.794,36 KM** bez PDV-a.

U krajnjem roku za predaju ponuda koji određen tenderskom dokumentacijom (25.09.2024. godine do 11:00 sati), na adresu Ugovornog organa blagovremeno su primljene 4 (četiri) ponude dostavljene od ponuđača: 1. „HIFA-PETROL“ d.o.o. Sarajevo; 2. „EOL PETROL“ d.o.o. Sarajevo; 3. „ALMY“ d.o.o. Zenica i 4. „GREEN OIL“ d.o.o. Sarajevo, što je konstatovano u Zapisniku o otvaranju ponuda broj: 10/E-11-5429/24 od 25.09.2024. godine. Nije bilo neblagovremeno primljenih ponuda.

U skladu sa članom 63. Zakona o javnim nabavkama (u daljem tekstu: Zakon) Komisija III je u zakazano vrijeme pristupila javnom otvaranju pristiglih ponuda, i nakon što je utvrđena blagovremenost i urednost dostave pročitane su cijene ponuda kako sljede:

R/b	Ponuđač	Ukupna cijena po stavci bez PDV-a (KM)	Popust
1.	„HIFA-PETROL“ d.o.o. Sarajevo	18.900,00	/
2.	„EOL PETROL“ d.o.o. Sarajevo	17.500,00	/
3.	„ALMY“ d.o.o. Zenica	19.740,00	/
4.	„GREEN OIL“ d.o.o. Sarajevo	15.999,00	/

Nakon izvršenog javnog otvaranja ponuda, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija III je u prethodnom postupku konstatovala da dostavljene ponude ponuđača: „HIFA-PETROL“ d.o.o. Sarajevo, „EOL PETROL“ d.o.o. Sarajevo, „ALMY“ d.o.o. Zenica i „GREEN OIL“ d.o.o. Sarajevo ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu odredaba Zakona o javnim nabavkama.

Nakon provjere računske ispravnosti ponuda, zakazana je e-aukcija koja je održana dana 20.09.2024. godine. Ponuđači „GREEN OIL“ d.o.o. Sarajevo i „EOL PETROL“ d.o.o. Sarajevo nisu podnosili nove cijene, izmijenjene naniže u odnosu na dostavljene ponude, dok su ponuđači „HIFA-PETROL“ d.o.o. Sarajevo i „ALMY“ d.o.o. Zenica podnijeli nove cijene, što potvrđuje Izvještaj o toku i završetku e-aukcije, broj postupka: 848-7-1-100/24 od 30.9.2024. godine.

U skladu sa rezultatima provedene e-aukcije, Komisija III je u skladu sa utvrđenim kriterijem za dodjelu ugovora „najniža cijena“ izvršila rangiranje ponuđača, učesnika u postupku javne nabavke, kako sljede:

R/b	Ponuđač	Ukupna cijena po stavci bez PDV-a (KM)	Popust
1.	„GREEN OIL“ d.o.o. Sarajevo	15.999,00	/
2.	„HIFA-PETROL“ d.o.o. Sarajevo	16.083,00	/
3.	„ALMY“ d.o.o. Zenica	17.499,00	/
4.	„EOL PETROL“ d.o.o. Sarajevo	17.500,00	/

Na osnovu utvrđene rang liste i jednoglasnog prijedloga Komisije III sadržanog u Zapisniku o pregledu i ocjeni ponuda broj: 10/E-11-5429/24 od 30.9.2024. godine, Općinski načelnik, odgovorna osoba Ugovornog organa, je dana dana 04.10.2024. godine donio Odluku o izboru najpovoljnijeg ponuđača broj: 10/E-11-5429/24, kojim je prihvaćena ponuda prvorangiranog

ponuđača „GREEN OIL“ d.o.o. Sarajevo, u ukupnom iznosu 15.999,00 KM bez PDV-a, odnosno 18.718,83 KM sa PDV-om, za nabavku i isporuku lož ulja za potrebe sistema grijanja u objektu „Vila Braun“.

Pozivajući se na član 99. i član 101. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) protiv odluke o izboru najpovoljnijeg ponuđača broj: 10/E-11-5429/24 od 04.10.2024. godine, blagovremeno je žalbu podnio ponuđač „HIFA-PETROL“ d.o.o. Sarajevo.

Nakon što je utvrdio da je žalba blagovremena, dopuštena, uredna, te izjavljena od ovlaštenog lica odnosno od lica koje ima aktivnu legitimaciju, ali da je u cjelini neosnovana, Ugovorni organ je u skladu sa članom 100. stav (6) Zakona o javnim nabavkama žalbu sa svojim izjašnjenjem broj: 10/E-11-5429/24 od 15.10.2024. godine proslijedio Uredu za razmatranje žalbi Bosne i Hercegovine, Filijala/Podružnica Mostar.

U međuvremenu, zbog izjavljene žalbe Odlukom Općinskom načelnika broj: 10/E-11-5429/24 od 15.10.2024. godine obustavljen je postupak javne nabavke i isporuke lož ulja za potrebe sistema grijanja u objektu „Vila Braun“, o čemu su obaviješteni svi ponuđači učesnici u postupku javne nabavke.

Rješenjam Ureda za razmatranje žalbi, Filijala/Podružnica Mostar, broj: JN2-03-07-1-2758-7/24 od 15.11.2024. godine, žalba ponuđača „HIFA-PETROL“ d.o.o. Sarajevo je usvojena, poništena Odluka o izboru najpovoljnijeg ponuđača broj: 10/E-11-5429/24 od 04.10.2024. godine, te predmet vraćen Ugovornom organu na ponovni postupak.

Postupajući u skladu sa stavovima i uputama Ureda za razmatranje žalbi Bosne i Hercegovine iz Rješenja broj: JN2-03-07-1-2758-7/24 od 15.11.2024. godine, Komisija III je primjenjujući pravila dokazivanja i načelo materijalne istine izvršila ponovni pregled dostavljenih ponuda svih ponuđača i poduzela radnje u cilju utvrđivanja da li je ponuđena cijena izabranog ponuđača „GREEN OIL“ d.o.o. Sarajevo i ponuđena cijena ponuđača „EOL PETROL“ d.o.o. Sarajevo u skladu sa propisanim zahtjevom iz Obrasca za cijenu ponude.

Tim povodom, pozivajući se na odredbe Zakona o javnim nabavkama, Komisija III je dopisom broj: 10/E-11-5429/24 od 22.11.2024. godine tražila od svih ponuđača, učesnika u postupku, da dostave podatke o važećoj cijeni lož ulja na njihovim benzinskim pumpama odnosno prodajnim mjestima **na dan podnošenja njihovih ponuda**, izdat od relevantne institucije koja u skladu sa zakonom propisanim nadležnostima prati i prikuplja podatke o kretanju maloprodajnih cijena naftnih derivata na benzinskim pumpama u Federaciji BiH i zemljama regiona.

Dopisom broj: 10/E-11-5429/24 od 22.11.2024. godine Komisija III se obratila molbom Federalnom ministarstvu trgovine, da na osnovu evidencije koju vodi u skladu sa Uputstvom o načinu, sadržaju i rokovima dostave obavještenja o promjeni cijena i marži za određene proizvode i usluge, dostavi zvanične podatke o **važećim cijenama lož ulja na benzinskim pumpama odnosno prodajnim mjestima** za dalje navedena privredna društva:

1. Privredno društvo „GREEN OIL“ d.o.o. Sarajevo važeća cijena lož ulja na dan 25.09.2024. godine;
2. Privredno društvo „EOL PETROL“ d.o.o. Sarajevo važeća cijena lož ulja na dan 24.09.2024. godine;
3. Privredno društvo „ALMY“ d.o.o. Zenica važeća cijena lož ulja na dan 24.09.2024. godine;
4. Privredno društvo „HIFA-PETROL“ d.o.o. Sarajevo važeća cijena lož ulja na dan 17.09.2024. godine.

Na zatvorenom sastanku održanom dana 04.12.2024. godine, Komisija III je na osnovu podataka iz Obrasca o dostavi obavještenja o promjeni cijena i marži broj: 23800/2024, koji je dana 27.11.2024. godine elektronskom poštom dostavio ponuđač „GREEN OIL“ d.o.o. Sarajevo, utvrdila da nova, važeća cijena LOŽ ULJA BAS 1002 na benzinskim pumpama navedenog ponuđača iznosi **1,91 KM/l sa PDV-om**, sa naznačenim datumom početka primjene nove cijene i marži: **19.09.2024. godine.**

Dalje je Komisija III uvidom u dokument Federalnog ministarstva trgovine, broj: 06-13-1254-OC/24 od 26.11.2024. godine, dostavljenog elektronskom poštom dana 28.11.2024. godine, utvrdila da je **važeća maloprodajna cijena lož ulja – LUEL BAS 1002, privrednog društva „GREEN OIL“ d.o.o. Sarajevo, iznosila 1,91 KM/I sa PDV-om na dan 25.09.2024. godine, kao dan podnošenja ponude**, broj i datum OPC i OPM obrasca 23800/2024 od 19.09.2024. godine.

Dostavljeni podaci o cijeni lož ulja ponuđača „GREEN OIL“ d.o.o. Sarajevo, uključujući broj i datum OPC i OPM obrasca navedene u dokumentu Federalnog ministarstva trgovine, po ocjeni Komisije III u potpunosti odgovaraju podacima o cijeni lož ulja dostavljenim od ponuđača „GREEN OIL“ d.o.o. Sarajevo.

Komisija III je konstatovala da je u Obrascu za cijenu ponude (Ankes 2.) kao sastavom dijelu tenderske dokumentacije jasno zahtijevano od ponuđača da u odgovarajuću kolonu upišu jediničnu cijenu KM po stavki bez PDV-a na benzinskoj pumpi ponuđača na dan podnošenja ponude.

Uvidom u ponudu broj: 133-09/24 od 25.09.2024. godine Komisija III je jednoglasno konstatovala i zaključila da je ponuđač „GREEN OIL“ d.o.o. Sarajevo u koloni jedinična cijena, upisao iznos **1,5999 KM/I**, što ne odgovara važećoj cijeni **1,91 KM/I sa PDV-om, odnosno 1,63 KM/I bez PDV-a**, koju je navedeni ponuđač imao na dan podnošenja ponude 25.09.2024. godine. Ovakav zaključak potvrđuje Obrazac o dostavi obavještenja o promjeni cijena i marži broj: 23800/2024 dostavljen od ponuđača „GREEN OIL“ d.o.o. Sarajevo, kao i službeni podaci o cijeni lož ulja za privredno društvo „GREEN OIL“ d.o.o. Sarajevo navedeni u dopisu nadležnog Federalnog ministarstva trgovine broj: 06-13-1254-OC/24 od 26.11.2024. godine.

U vezi sa naprijed utvrđenim Komisija III je konstatovala da se ponuđač „GREEN OIL“ d.o.o. Sarajevo nije pridržavao zahtjeva Ugovornog organa iz tenderske dokumentacije.

Članom 57. stav (1) Zakona o javnim nabavkama („Službeni glasnik BiH“, broj 39/14, 59/22 i 50/24) propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije, a članom 68. stav (4) alineja i) zakonodavac je propisao da je ugovorni organ dužan da odbaci zahtjev za učešće ili ponudu u slučaju kad ponuda nije potpuna i ne ispunjava zahtjeve iz tenderske dokumentacije.

Članom 2. stav (2) tačka I) istog Zakona propisano je da je ponuda dokument koji podnosi ponuđač, pri čemu nudi isporuku robe, pružanje usluga ili izvođenje radova, pod uslovom koje određuje ugovorni organ u tenderskoj dokumentaciji, a prilikom čije pripreme se ponuđač dužan pridržavati zahtjeva iz tenderske dokumentacije.

U konkretnom slučaju, Komisija III je jednoglasno ocijenila da ponuda ponuđača „GREEN OIL“ d.o.o. Sarajevo nije sačinjena u skladu sa zahtjevom Ugovornog organa iskazanim u tenderskoj dokumentaciji, u dijelu koji se odnosi na Obrazac za cijenu ponude - ROBE (Aneks 2) prema kojem je svaki ponuđač bio dužan upisati jediničnu cijenu lož ulja bez PDV-a na benzinskoj pumpi ponuđača na dan podnošenja ponude. Prema vjerodostojnim odnosno relevantnim podacima, na dan podnošenja ponude 25.09.2024. godine važeća cijena lož ulja na benzinskim pumpama privrednog društva „GREEN OIL“ d.o.o. Sarajevo iznosila je **1,63 KM/I bez PDV-a**, a ne **1,5999 KM/I bez PDV-a**, kako je to ponuđač „GREEN OIL“ d.o.o. Sarajevo naveo u dostavljenoj ponudi broj: 133-09/24, podnesenoj dana od 25.09.2024. godine.

U skladu sa svim naprijed navedenim, Komisija III je jednoglasno odbacila ponudu ponuđača „GREEN OIL“ d.o.o. Sarajevo, i ista nije bila predmet daljeg razmatranja i poređenja sa drugim ponudama.

Na zatvorenom sastanku održanom dana 04.12.2024. godine, Komisija III je uvidom u dokument Federalnog ministarstva trgovine, broj: 06-13-1254-OC/24 od 26.11.2024. godine, dostavljenog elektronskom poštom dana 28.11.2024. godine, utvrdila da je **važeća maloprodajna cijena lož ulja – LUEL BAS 1002, privrednog društva „EOL PETROL“**

d.o.o. Sarajevo, iznosila 2,31 KM/l sa PDV-om na dan 24.09.2024. godine, kao dan podnošenja ponude, broj i datum OPC i OPM obrasca 10811/2024 od 15.05.2024. godine.

Ponuđač „EOL PETROL“ d.o.o. Sarajevo nije Komisiji III, u roku koji je naveden u dopisu broj: 10/E-11-5429/24 od 22.11.2024. godine, dostavio podatke o cijeni lož ulja koja je bila važeća na njegovim benzinskim pumpama na dan podnošenja ponude 24.09.2024. godine. Međutim, Komisija III je u vrijeme ponovnog pregleda, na osnovu dopisa Federalnog ministarstva trgovine broj: 06-13-1254-OC/24 od 26.11.2024. godine, utvrdila relevantan podatak o cijeni lož ulja koju je ponuđač „EOL PETROL“ d.o.o. Sarajevo imao na svojim pumpama na dan 24.09.2024. godine, kao dan podnošenja ponude.

Komisija III konstatuje da je u Obrascu za cijenu ponude (Ankes 2.) kao sastavom dijelu tenderske dokumentacije jasno zahtijevano od ponuđača da u odgovarajuću kolonu upišu jediničnu cijenu KM po stavki bez PDV-a na benzinskoj pumpi ponuđača na dan podnošenja ponude.

Uvidom u ponudu broj: 2469/09/24 od 24.09.2024. godine Komisija III je jednoglasno konstatovala da je ponuđač „EOL PETROL“ d.o.o. Sarajevo u koloni jedinična cijena, upisao iznos **1,75 KM/l**, što ne odgovara važećoj cijeni **2,31 KM/l sa PDV-om, odnosno 1,97 KM/l bez PDV-a**, koju je navedeni ponuđač imao na dan podnošenja ponude, a koju potvrđuju službeni podaci iz dokumenta nadležnog Federalnog ministarstva trgovine, broj: 06-13-1254-OC/24 od 26.11.2024. godine, u prilogu kojeg je Obrazac o dostavi obavještenja o promjeni cijena i marži broj: 10811/24 od 15.05.2024. godine.

U vezi sa naprijed utvrđenim Komisija III je konstatovala da se ponuđač „EOL PETROL“ d.o.o. Sarajevo nije pridržavao zahtjeva Ugovornog organa iz tenderske dokumentacije.

Članom 57. stav (1) Zakona o javnim nabavkama („Službeni glasnik BiH“, broj 39/14, 59/22 i 50/24) propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije, a članom 68. stav (4) alineja i) zakonodavac je propisao da je ugovorni organ dužan da odbaci zahtjev za učešće ili ponudu u slučaju kad ponuda nije potpuna i ne ispunjava zahtjeve iz tenderske dokumentacije.

Članom 2 stav (2) tačka l) istog Zakona propisano je da je ponuda dokument koji podnosi ponuđač, pri čemu nudi isporuku robe, pružanje usluga ili izvođenje radova, pod uslovom koje određuje ugovorni organ u tenderskoj dokumentaciji, a prilikom čije pripreme se ponuđač dužan pridržavati zahtjeva iz tenderske dokumentacije.

U konkretnom slučaju Komisija III je jednoglasno ocijenila da ponuda ponuđača „EOL PETROL“ d.o.o. Sarajevo nije sačinjena u skladu sa zahtjevima Ugovornog organa iskazanim u tenderskoj dokumentaciji, u dijelu koji se odnosi na Obrazac za cijenu ponude - ROBE (Aneks 2) prema kojem je svaki ponuđač bio dužan upisati jediničnu cijenu lož ulja bez PDV-a na benzinskoj pumpi ponuđača na dan podnošenja ponude. Prema vjerodostojnim odnosno relevantnim podacima, na dan podnošenja ponude odnosno 24.09.2024. godine važeća cijena lož ulja privrednog društva „EOL PETROL“ d.o.o. Sarajevo iznosila je **1,97 KM/l bez PDV-a**, a ne **1,75 KM/l bez PDV-a**, kako je to ponuđač „EOL PETROL“ d.o.o. Sarajevo naveo u dostavljenoj ponudi, broj: 2469/09/24, podnesenoj dana od 24.09.2024. godine.

U skladu sa svim naprijed navedenim, Komisija III jednoglasno odbacila ponudu ponuđača „EOL PETROL“ d.o.o. Sarajevo, i ista nije predmet daljeg razmatranja i poređenja sa drugim ponudama.

Komisija III je konstatovala da su ponuđači „HIFA-PETROL“ d.o.o. Sarajevo i „ALMY“ d.o.o. Zenica uredno dostavili tražene podatke o važećoj cijeni lož ulja na benzinskim pumpama na dan podnošenja ponuda. Prednje dokazuje dopis ponuđača „HIFA-PETROL“ d.o.o. Sarajevo broj: JN-4996/24 od 26.11.2024. godine, u prilogu koje je Obrazac o dostavi obavještenja o promjeni cijena i marži broj: 23328/2024 i dopis ponuđača „ALMY“ d.o.o. Zenica broj: 26-11-TG/24 od 26.11.2024. godine, u prilogu kojeg je Obrazac o dostavi obavještenja o promjeni cijena i marži broj: 20621/2024.

Podatke o važećoj cijeni lož ulja na datume podnošenja ponuda za ponuđače „HIFA-PETROL“ d.o.o. Sarajevo i „ALMY“ d.o.o. Zenica potvrdilo je i Federalno ministarstvo trgovine u dopisu

broj: 06-13-1254-OC/24 od 26.11.2024. godine. Tako je u predmetnom dopisu navedeno da je važeća maloprodajna cijena lož ulja – LUEL BAS 1002, na benzinskim pumpama privrednog društva „HIFA-PETROL“ d.o.o. Sarajevo, na dan **17.09.2024. godine**, iznosila **2,21 KM/l sa PDV-om, odnosno 1,89 KM/l bez PDV-a**, što u potpunosti odgovara podacima iz Obrasca o dostavi obavještenja o promjeni cijena i marži broj: 23328/2024 od 14.09.2024. godine, dostavljenog od ponuđača „HIFA-PETROL“ d.o.o. Sarajevo, kao i jediničnoj cijeni lož ulja koju je ponuđač „HIFA-PETROL“ d.o.o. Sarajevo upisao u odgovarajuću kolonu Obrasca za cijenu ponude (Aneks 2.) u dostavljenoj ponudi.

Isto je Komisija III konstatovala i za ponuđača „ALMY“ d.o.o. Zenica, pozivajući se na dopis Federalnog ministarstva trgovine broj: 06-13-1254-OC/24 od 26.11.2024. godine, u kojem je navedeno da je važeća maloprodajna cijena lož ulja – LUEL BAS 1002, na benzinskim pumpama privrednog društva „ALMY“ d.o.o. Sarajevo, na dan **24.09.2024. godine**, iznosila **2,31 KM/l sa PDV-om, odnosno 1,974 KM/l bez PDV-a**, što u potpunosti odgovara podacima iz Obrasca o dostavi obavještenja o promjeni cijena i marži broj: 20621/2024 od 24.08.2024. godine, dostavljenog od ponuđača „ALMY“ d.o.o. Zenica, kao i jediničnoj cijeni lož ulja koju je ponuđač „ALMY“ d.o.o. Zenica upisao u odgovarajuću kolonu Obrasca za cijenu ponude (Aneks 2.) u dostavljenoj ponudi.

Nakon što su iz postupka daljeg razmatranja isključene ponude ponuđača „GREEN OIL“ d.o.o. Sarajevo i „EOL PETROL“ d.o.o. Sarajevo, Komisija III je izvršila analizu preostalih ponuda za koje je jednoglasno utvrdila da su uredne, prihvatljive i pripremljene u skladu sa zahtjevima iz tenderske dokumentacije.

Detaljnom računskom provjerom ispravnosti ponuda ponuđača „HIFA-PETROL“ d.o.o. Sarajevo i „ALMY“ d.o.o. Zenica, Komisija III je utvrdila da su podnesene ponude računski ispravne, te da je ispravno obračunata ukupna cijena ponuda sa PDV-om.

Tenderskom dokumentacijom je predviđeno provođenje e-aukcije, te je ista bila navedena u Obavještenju o nabavci 848-7-1-100-3-157/24 od 30.8.2024. godine.

Komisija III je u ponovnom postupku, na zatvorenom sastanku od 04.12.2024. godine, jednoglasno utvrdila da su ispunjeni uslovi za ponovno zakazivanje e-aukcije u predmetnom postupku javne nabavke, prethodno ocijenivši da su ponuđači „HIFA-PETROL“ d.o.o. Sarajevo i „ALMY“ d.o.o. Zenica kvalifikovani, a dostavljene ponude formalno-pravno ispravne i prihvatljive.

E-aukcija je održana dana 06.12.2024. godine sa početkom u 10:10 sati.

U periodu održavanja e-aukcije (od 10:10 do 10:20 sati) od strane ponuđača „HIFA PETROL“ d.o.o. Sarajevo i „ALMY“ d.o.o. Zenica nije bilo podnošenja novih cijena, izmijenjenih naniže. Sistem e-Nabavke je dostavio Izvještaj o toku i završetku e-aukcije, broj postupka 848-7-1-100/24 od 6.12.2024. godine, na osnovu kojeg je izvršeno rangiranje ponuda prema kriteriju za izbor ponude „najniža cijena“ u skladu člana 64. stav (1) tačka b) Zakona o javnim nabavkama, kako se u tabeli navodi:

RANG	Ponuđač	Ukupna cijena bez PDV-a (KM)
1.	„HIFA-PETROL“ d.o.o. Sarajevo	18.900,00
3.	„ALMY“ d.o.o. Zenica	19.740,00

Shodno svemu naprijed izloženom, Komisija III je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **„HIFA-PETROL“ d.o.o. Sarajevo**, ulica Hotonj bb, 71320 Vogošća, sa cijenom nakon provedene e-aukcije u ukupnom iznosu od **18.900,00 KM bez PDV-a, odnosno 22.113,00 KM sa PDV-om**, kao najpovoljnije za nabavku i isporuku lož ulja za potrebe sistema grijanja u objektu „Vila Braun“, sa kojim će biti zaključen ugovor.

Općinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-5429/24 od 09.12.2024. godine



Dostaviti:

1. Ponuđaču: „HIFA-PETROL“ d.o.o. Sarajevo
ulica Hotonj bb, 71320 Vogošća
2. Ponuđaču: „EOL PETROL“ d.o.o. Sarajevo
ulica Patriotske lige bb, 71000 Sarajevo
3. Ponuđaču: „ALMY“ d.o.o. Zenica
ulica Vrandučka bb, 72000 Zenica
4. Ponuđaču: „GREEN OIL“ d.o.o. Sarajevo
ulica Marka Marulića broj 4, 71000 Sarajevo
5. Službi za lokalno-ekonomski razvoj i mjesnu samoupravu
6. Kabinetu općinskog načelnika – Odsjek za javne nabavke
7. Službi za finansije
8. U spis

